

Sarjana Psikologi Klinikal

Pengenalan

Program Sarjana Psikologi Klinikal adalah program sarjana yang ditawarkan secara sepenuh masa selama dua tahun. Program ini memberi persediaan dan latihan profesional dalam menghasilkan ahli psikologi klinikal. Ahli psikologi klinikal terlibat dalam aktiviti mencegah, menaksir, mendiagnos serta merawat kecelaruan psikologi termasuk kecelaruan emosi, personaliti, pembelajaran serta masalah tingkah laku yang mengganggu fungsi harian dan kefungsiian sosial.

Program ini mengandungi struktur kerja kursus, penyelidikan dan latihan klinikal. Subjek teras pengajian termasuklah psikologi klinikal kanak-kanak dan remaja, psikologi klinikal dewasa, ujian dan penaksiran psikologi, pendekatan psikoterapi, penilaian dan terapi kognitif tingkah laku serta kaedah penyelidikan dan statistik. Pelajar akan menjalani penempatan dan latihan klinikal di Klinik Psikologi Kesihatan, UKM dan beberapa buah hospital kerajaan, hospital universiti serta institusi kesihatan mental di seluruh Negara. Sepanjang latihan klinikal pelajar dilatih untuk mengendalikan penilaian psikologi, membuat diagnosis serta menjalankan terapi individu dan terapi kelompok kepada kumpulan pesakit kanak-kanak, remaja, dewasa atau warga tua. Pelajar juga perlu menjalankan penyelidikan dalam bidang psikologi klinikal termasuk isu kecelaruan psikologi, psikogeriatik, psikoseksual, penyalahgunaan dadah dan bahan, kualiti hidup, psikologi perubatan dan rehabilitasi psikologi di bawah penyeliaan rapat ahli-ahli fakulti.

FAQ

1. **Q. Bagaimana program ditawarkan?**

A. Program ini adalah program sarjana sepenuh masa

2. **Q. Berapa lama tempoh pengajian bagi program ini?**

A. 2 tahun / 4 semester

3. **Q. Apakah kelayakan asas untuk memohon?**

A. Calon-calun yang memohon untuk mengikuti program ini mestilah mematuhi syarat-syarat kemasukan seperti berikut:

- i. Lulus Sijil Pelajaran Malaysia (SPM) atau setaraf dengannya dan kredit dalam Bahasa Melayu atau kepujian dalam Bahasa Malayu kertas Julai; dan
- ii. Mempunyai Ijazah Sarjanamuda dalam bidang psikologi (dengan nilai PNGK tidak kurang daripada 3.00) dari Universiti Kebangsaan Malaysia atau kelulusan lain yang setaraf dengannya yang diiktiraf oleh Kerajaan Malaysia dan diluluskan oleh Senat; atau
- iii. Mempunyai Diploma Siswazah dalam bidang Psikologi atau Kaunseling dari Universiti Kebangsaan Malaysia atau institusi yang diiktiraf oleh Kerajaan Malaysia dan diluluskan oleh Senat; dan
- iv. Lulus ujian temuduga serta ujian aptitud yang dilaksanakan oleh pihak program; dan
- v. Pemohon antarabangsa perlu lulus ujian Bahasa Inggeris dengan markah minima (TOEFL 580/ TOEFL-CBT 230/TOEFL-IBT 88 ATAU aras minima IELTS 6.5).

4. Q. Berapakah yuran pengajian mengikut semester?

A. Yuran Tempatan

YURAN PENGAJIAN DALAM MATAWANG RINGGIT MALAYSIA (RM)		
SARJANA		
SEPENUH MASA		
Pendaftaran & Konvokesyen (Tidak termasuk yuran pengajian)	Yuran Pengajian (Setiap <i>Semester</i>)	Jumlah minimum yuran keseluruhan (4 Semester)
RM 385	RM 1,585	RM 6,725

B. Yuran Antarabangsa

YURAN PENGAJIAN DALAM RINGGIT MALAYSIA (RM)		
SARJANA		
SEPENUH MASA		
Yuran Pendaftaran & Konvokesyen (Tidak termasuk yuran pengajian)	Yuran Pengajian (Setiap Semester)	Jumlah yuran minimum keseluruhan (4 Semesters)
RM 485	RM 3,500	RM 14,485

5. **Q. Apakah prosedur untuk memohon program ini?**

A. Tentatif permohonan;

- i. Program ini ditawarkan sekali setahun pada awal bulan April.
- ii. Permohonan boleh dilakukan pada laman sesawang berikut <http://guest.ukm.my/>.
- iii. Tarikh tutup permohonan ialah pada akhir bulan Mei.
- iv. Temuduga calon pelajar akan dilakukan pada akhir bulan Jun atau awal bulan Julai
- v. Keputusan permohonan boleh disemak pada akhir bulan Julai.
- vi. Tarikh kemasukan adalah pada pertengahan bulan September.

6. **Q. Apakah bahasa pengendalian bagi program ini?**

A. Bahasa Inggeris

7. **Q. Apakah struktur asas program ini?**

A. Program ini terbahagi kepada 3 struktur;

- i. Kerja kursus.
- ii. Penyelidikan.
- iii. Penempatan klinikal.

8. **Q. Apakah silibus/kurikulum bagi program ini?**

A. Silibus/kurikulum untuk setiap semester adalah seperti berikut:

i. Semester 1

NNNC5012	Metodologi Penyelidikan dan Biostatistik
NNNC5013	Ujian dan Penaksiran Psikologi
NNNC5033	Penaksiran Tingkahlaku
NNNC5053	Psikologi Klinikal Kanak-kanak & Remaja I
NNNC5073	Psikologi Klinikal Dewasa I
NNNC5093	Pendekatan Terapi dan Kemahiran Interpersonal

ii. Semester 2

NNNC5021	Psikofarmakologi dan Psikologi Silang Budaya
NNNC5023	Neuropsikologi
NNNC5043	Psikologi Kesihatan dan Kesihatan Mental Komuniti
NNNC5063	Psikologi Klinikal Kanak-kanak & Remaja II
NNNC5083	Psikologi Klinikal Dewasa II
NNNC5015	Penempatan Klinikal I

iii. Semester 3

NNNC6011	Seminar Psikologi Klinikal
NNNC6012	Projek Penyelidikan Psikologi Klinikal I
NNNC6015	Penempatan Klinikal II

iv. Semester 4

NNNC6022	Projek Penyelidikan Psikologi Klinikal II
NNNC6025	Penempatan Klinikal III